
Dat eerste Experiment löppt al

IN D' LUUR

Karin Böhmer

redaktion@on-online.de



Wenn dat pladdert un guust, worden se in Südbrookmerland benaut. Gröön up Dack sall Wunner doon, dat de Regen för en Sett burgen is. De Gemeent maakt nu woll dat eerste Experiment daarto. Daar word de Saak mit dat Gröön up Plasterstenen utprobeert. Bi de Radweg an't Groot Meer kannst dat al bekieken. Daar is blot noch n' heel smalen Striep Stenen to sehn. De Rest is mit Gras överwussen. Wunnerbaar, dat mag al helpen! Daar kann dat Water sük al wat langer uphollen, wenn't maal good plestert. De Radfahrs makers maken dat gern mit. Fein achternanner fahren, denn raken se dat smaal Padd woll. Un ofstiegen, wenn hör een in Mööt kummt! Is all för en goden Wark.
